

DAN ANGA FA LAK (LEGAL ADOPTION)

**FA LAK HI HMANGAINAIN
A HRIN, A KAWNG ERAWH
CHU DAN HMANGA
HLENCHHUAH NGAI A NI.**



**STATE ADOPTION RESOURCE AGENCY
(SARA)**

SOCIAL WELFARE DEPARTMENT

Verdant Ridge, H.No.L-61/E-1/B
Dunglena Building, Taitesena Section
Laipuitlang, Aizawl, Mizoram

Pin - 796 012

Phone No : 0389-2396957

FA LAK DAN KALPHUNG (ADOPTION PROCESS)

REGISTRATION:

Mi tupawh fa la duh te chu sawrkarin a recognised Specialised Adoption Agency (SAA) ah Online hmangin mahnia in-register theih a ni. (www.cara.nic.in). Registration atan hian PAN Card emaw Voter ID neih a ngai a, Adoption Agency, State-ah mahni duhzawng naupang thlan theih a ni.

PRE-ADOPTION COUNSELLING & PREPARATION OF THE PAPS

Fa la duhten fa lak chungchanga thutlukna mumal tak an siam theih nan, Adoption Agency-ah Pre-Adoption counselling an dawng hmasa tur a ni a, fa lak leh a kaihnawih zawng zawng hrilhhriat leh fa la duhte lo buatsaih chu Specialised Adoption Agency (SAA) mawhphurhna a ni.

HOME STUDY

Fa la duhte fa la tlak an nih leh nih loh enfiahna leh zirchianna a ni a. Online-a an in register-na pawm anih hnuah Professional Social Worker ten he zirchianna hi an nei tur a ni.

REFERRAL AND ACCEPTANCE:

Fa la duh te chu SAA-in zirchianna a neih hnuah fa la tlaka ngaih an nih chuan an duhzawng naupang Online-a entir an ni a, naupang hi Child Welfare Committee (CWC) in dan anga fa atana lak theih (legally free for adoption)-a a puante chauh entir theih an ni.

* Referral hi fa la duhte an seniority indawtin, an duhzawng naupang mila tih thin a ni.

* Naupang entir an nih rual hian fa la duhte chu naupang Child Study Report (Naupang chanchin ziahna) leh Medical Examination Report (Naupang hriselna record) te entir an ni bawk thin.

PRE-ADOPTION FOSTER CARE:

Referral zawhah naupang chu pawm (accept) a nih chuan fa la tur ten Undertaking sign-in naupang chu Pre-Adoption Foster Care-in an lo kawl thei a. Hei hi dan anga Adoption tihfel a nih hmaa lo inpek lailawkna a ni.

FINAL ADOPTION:

Naupang awmna SAA in an awmna biala thuneitu Court-ah naupang chu dan ang thlapa Adopt a nih theih nan Adoption petition a thehlut ang a. Adoption petition-ah hian Adoption Regulations in documents ngai a sawite thil tel tur a ni. Court-in Order of Adoption a tihchhuah hnuah chauh Final Legal Adoption-a pawm a ni.

FOLLOW-UP VISITS & POST-ADOPTION SERVICES:

Naupang adoption-a pekchhuah tawh te Pre-Adoption Foster Care ni atanga chhiara kumhni chhung thlaruk danah SAA-a Professional Social Worker ten an tlawh thin tur a ni a, report hi SARA-ah an a thehlut thin ang.

FA LAK DAWNA SENSO (ADOPTION EXPENSES):

Fa la duhte chuan Adoption process nan a hnuaia administration senso hi an pek a ngai

- (1) Home Study Report : Rs.6000 /- Online Registration hnuah pek tur.
- (3) Child Care Corpus (CCC) : Rs.20000 /- Naupang entir (referral) zawha naupang chu fa la duh ten an pawm (accept) hnuah pek tur a ni.

ADOPTION THUNEITU LEH AGENCIES-TE:

- (1) Agency awmna biala thuneitu Court (District Court/Family Court)
- (2) Central Adoption Resource Authority (CARA) - India ram puma thuneitu
- (3) State Adoption Resource Agency (SARA) - Mizoram a thuneitu
- (4) Specialised Adoption Agency (SAA) - Adoption buaipui theitu Agency

SPECIALISED ADOPTION AGENCY

1) International Poor Children

Day Tlang, P.O. - Vaivakawn,
Aizawl, Mizoram. Pin - 796009

Ph.No 0389-2344825

Email: ipcvaivakawn@rediffmail.com

2) Hmangaihte Run

Hmangaihte Run, MHIP Gen. Hqrs Office,
Treasury Square,

Opp I & PR Office, Aizawl, Mizoram. Pin-796001

Ph. 0389-2323464/2318148

Email: hmangaihterun@gmail.com.

Sunshine Society for Children

Near Directorate of Social Welfare

Laipuitlang, Aizawl, Mizoram

Ph. No. 9612164853

Email: ssfcmz@gmail.com

Lairam Child Adoption Centre

H.No-286, College Veng, Lawngtlai,

Pin-796891

Ph.No. 03835-232981

Email: lairamcac@gmail.com

Little Angel Specialised Adoption Agency

Chhimveng Mamit, Opposite I&PR Office

Pin-796441

Email : littleangelsaa@gmail.com

Ph- 0389-2565068

Baptist Child Resources Centre

Ramzotlang, Serkawn, Lunglei - 796691

Email: managerbco@mizobaptist.org

Ph.No.0372-2342786

Siaha Child Adoption Centre

College Veng II, Near Edenthar Church,
Siaha Pin 796901

Email : knpmbh@gmail.com

Ph 03835-223114

A LAK DAWNA DOCUMENT NEIH NGAI TE: EROX ATTESTED COPY

Voter's I.D or PAN Card

Proof of Residence (Residential Certificate).

Inneih Certificate.

Thlalak (Chhungkua/Nupa).

Medical Doctor-in fa la duhte an hriselna a tha tih a ziahna,
Medical Certificate.

Birth Certificate

Mi pahnih talin an recommend-na

Income Certificate.

Sum dinhmun ziahna Bank Statement thlaruk chhung telin.

1. Mahni fahrin emaw fa lak kum 7 chin tling tawh neite tan an
hriatpuina lehkha.

2. Order of Adoption (fa la tawh te tan, fa dang lak leh
dawnin).

3. Inthenna lehkha (nupui/pasal then te tan).

4. Nupui/pasal neilo (single) tan eng emaw rokhawlhna lo
thlen pawha naupang lo enkawl chhunzawm sak tura
chhungkhat hnai vai hnen atanga thu delhkilh ziahna
lehkha.

CHHUNGKAW NEI LO TAN CHHUNGKUA

Naupangte hi an duhthu reng vang ni loin khawvelah an lo piang a, an nu leh pate khawloh vang emaw, vanduai vang emawa an nu leh paten an boral san a, thisen zawmpui hauhtu dang an nei lo a nih pawhin nu leh pa, chhungkaw nei loin an awm tur a ni lo. Naupang dang ang bawka nu leh pa, chhungkaw neih hi Danin an dikna chanvoa a pek a ni.

FA LAK CHUNGCHANGA THU PUARPAWLENG LEH THU DIK (Myths about Adoption & Fact)

Thu dik lo: Mi tam takin an sawi thin chu, fa lakte hi an sual duh tih a ni. Fa lak an nih avanga an sual duh bik ngawt na chhan tur a awm lo. Thenkhat chuan, An nu leh pa tunge tih pawh kan hre lo va, an thisenah an nu leh pate thisen a kaiin mi tha lo takah te an chhuak duh a ni, an ti thin.

Thu dik: Thisena inthlahchhawn thu chu kan sawi phak a ni lo va, mahse mi thiamte n Naupang lo thanlenna atan hian an thisen inthlahchhawnna (heredity) hi a pawimawh ber lo va, a lo thanlenna hmun (environment) khan nasa takin a tidanglam thei zawk a ni, an ti. Chuvangin eng ang thlahtu pawh nei se, enkawl na tha a dawn chuan mi tha takah a chhuak thei a ni. Chuvangin thisen inthlahchhawn chungchang hi fa lak a fuh lo tia tanchhan dawrawm tak a ni.

Tun hmain faa lak thenkhatte lo ti fuhlo deuh an awm a ni thei. Faa lak an nih avanga sual bik erawh an ni hauh lovang tih hi thil Chiang a ni. Inchhung khura fa hrin ngei pawh sual tak tak an awm ve fo. Chuvangin an sual duh bik emaw, sual bik tur anga ngaih hi thil dik lo a ni.

Faa lak, sual deuh te an lo awm a nih pawhin, a enkawl tute pawh inbihchian ngam a tul mai thei. Mahni hrin an nih loh avanga duat hluhlang emaw, han dim loh deuh emaw, en hran deuhnate kan nei a nih chuan, chu chu naupangte hian an hre (feel) thuai thin. Chu chuan nungchang pangai a hloh tir ve thei bawk. Chuvangin faa la tura kan inpe anih chuan, rilru inpeih, chhungkuaa lung rual leh inkhek awm lovin enkawl ila, hmangaihna chuan a hneh vek ngei ang.

Thu dik lo: Miin fa lak atana a pek chuan a fa a hmangaih lo tihna a ni, tiin thenkhat chuan an ngai a, mahni n enkawl thei si lo, an mamawh phuhruk thei tawp si lo vin, mi dem an hlauh avangin an fate chung a an tih tur dik tak an ti lo a, hei hi a dik lo a ni.

Thu dik: Mi thenkhat tan chuan an fate an hmangaihna an tih lanna kawng tha ber chu a pek theih loh chhungkua, a fa in a neih leh theihna tura pek (surrender) kha a ni. Chu chu naupangin a mamawh a ni.

Miin fa a lak theih tura a fa a pe a nih pawhin tuma n dem a tul lo. A fa a hmangaihna avanga a tih a nih chuan, a enkawl ai an enkawlsak thei a nih loh chuan lo sawisel thei tumah an awm lo. Miin an dem hlahv vanga an fate, naupang an damchhunga tihrehawm ta an tam hle a sin!

Mi dem hlahv vang mai maia naupang hringnun damchhung tihchhiatsak hi hmangaih vang a ni thei lo. Miin fa an la a, an thinlungah an lo piang a, an puma pai tluka fa tak an lo ni ta a. Chu chu hmangaihnain an hring a, hmangaihnain an enkawl selian a. Chu chu khawtlangina fa lak (adopt) a nih thu lo sawi hi tul hauh lova mi thinlung tihkehsawmna a ni. Dan anga fa lakte hi fa tak roluahtu/rokhawmtu an nih avangin puma pai nen thuhmun reng a ni.

FA ANGA ENKAWL LAILAWK (FOSTER CARE)

Foster Care chu anmahni hringtute emaw, faa latute emaw ni kher lo chhungkuua naupang, an mamawh chhung hun reilote emaw, hun rei deuh zawk emaw mahni kut kea an din theih thleng pawha lo enkawl hi a ni. Hetiang hi dan ang thlapa tih a nih theih nan naupang pualbil dan, Juvenile Justice (Care and Protection of Children) Act, 2015 chuan a phalsak a. Foster Care kalpui dan tura kaihraina (guidelines) pawh mumal tak a awm bawk. Chutianga naupang lo enkawltu tur chuan mi rintlak, fit person, naupang enkawl tura mawhphur tlak leh amah pawh inhuamte thlan chhuah (identified) an ni.

Kan ramah hian faa lak (Adopt) rual ni tawh lo, mahse naupang la ni si, nu leh pa, thisen zawmpui dang hmangaiha enkawltu nei lo tam tak an awm a, chung naupangte chu a tlangpuiin children s home-ah an awm a, chung naupang baihvaithe chuan nu leh pa neih a, chhungkuua (family) a chen ve a, ka chhungte, ka in leh lo tihtur neih ve chakin an rum tak meuh a ni. Min chhawmdawltu atan mai ni lo, an hmalam hunah an thlir ve theih nan fa anga i enkawl nghakin an lo thlir reng che a ni.

**Fa kan mamawh vang ni lovin,
naupangin nu leh pa, chhungkuua a
mamawh vanga zawka fa lak (adopt) hi
tihpuitlin tur a ni**

Child Line

Phone No : 977422275/1098 (Toll Free)